

FÓGRA TÁBHACHTACH DEIREADH BLIANA D'FHOSTÓIRÍ AGUS DO SHOLÁTHRAITHE PINSIN

Clúdaíonn an fógra seo d'fhostóirí na hábhair seo a leanas:

1. Fógraí Párolla na gCoimisinéirí Ioncaim (fógraí FPCI) 2023
2. Fógraí FPCI 2024
3. Caighdeán na Sonraí
4. Dátaí Pá
5. Seachtain Lamháltais 53
6. Fostaíochtaí a Thosú
7. An Chéad Phost
8. Sochar Breoiteachta/Sochar Máithreachais
9. Rátaí ÁSPC Aicme A/Na Seachtainí Inárachaithe
10. Deimhnithe Digiteacha ROS
11. Naisc Ghníomhaire
12. Sochar Comhchineáil d'Feithiclí Leictreacha
13. Riachtanais Tuairiscithe Feabhsaithe
14. Creidmheasanna Fíor-Ama
15. Faoiseamh Cianoibre
16. Achoimre Sonraí Fostaíochta d'Fhostaithe
17. Réamhráiteas Deireadh Bliana
18. Tuairisceán Cánach Ioncaim
19. Sochar Beag
20. An Líne Chabhrach Náisiúnta d'Fhostóirí
21. Cabhair bhreise

1. Fógraí Párolla na gCoimisinéirí Ioncaim (fógraí FPCI) 2023

Beidh FPCIanna 2023 ar fáil duit suas go dtí an 31 Nollaig 2023 agus an dáta sin san áireamh. Níor chóir go mbainfeadh fógraí FPCI 2023 ach le párolla 2023.

2. Fógraí FPCI 2024

Beidh fógraí FPCI 2024 ar fáil ón 6 Nollaig 2023. Ní mór duit an FPCI is déanaí a iarraidh do gach fostaí/faighteoir pinsin sula ritheann tú do phárolla agus ní mór duit an fhaisnéis a chuirtear ar fáil san FPCI a úsáid chun asbhaintí Cánach agus MSU a ríomh.

Sa chás nach bhféadann na Coimisinéirí Ioncaim FPCI a chur ar fáil duit, ní mór duit cáin éigeandála a chur i bhfeidhm d'aon fhostaí. Ní bhfaighidh tú FPCI sna cásanna seo:

- mura bhfuil [Uimhir Phearsanta Seirbhíse Poiblí \(UPSP\)](#) ag d'fhostaí
- mura bhfuil d'fhostaí cláraithe le haghaidh Íoc Mar a Thuillir (ÍMAT).

Tá sonraí maidir le cur i bhfeidhm agus scor na [Cánach Éigeandála](#) ar fáil ar www.revenue.ie

Sa chás go bhfuil creidmheasanna agus scoithphointí nialasacha ag an FPCI níor chóir duit cáin éigeandála agus cáin chaighdeánach a oibriú agus ní mór MSU a chur i bhfeidhm ag an ráta is airde.

3. Caighdeán na Sonraí

Tá sé ríthábhachtach go mbeadh na sonraí párolla a thíolacann fostóirí cruinn agus tráthúil. Úsáidtear na sonraí seo chun Achoimre Sonraí Fostaíochta gach fostaí a chruthú agus áirítear iad i ríomh a ndliteanas cánach deireadh bliana. D'fhéadfadh impleachtaí tromchúiseacha agus neamhriachtanacha ar staid cánach agus ar theidlíochtaí leasa shóisialaigh do d'fhostaithe a bheith mar thoradh ar shonraí párolla míchearta a sholáthraítear do na Coimisinéirí Ioncaim. Mura gcloítear leis na riachtanais ÍMAT, d'fhéadfadh pionóis agus/nó Iniúchadh Cánach a bheith i gceist.

Deacrachtaí sonraí ar chóir duit a bheith ar an eolas fúthu:

- NÍ MÓR tíolachtaí párolla a thíolacadh ar nó roimh an dáta pá. Níor chóir, ar chúinse ar bith, sonraí párolla ar feadh roinnt tréimhsí pá seachtainiúla a charnadh agus a sholáthar i dtíolacadh amháin chuig na Coimisinéirí Ioncaim.

Tá dualgas ort an FPCI is déanaí a úsáid chun asbhaintí pá agus cánach an fhostaí a ríomh roimh thíolacadh párolla a dhéanamh. Taispeánfar rabhadh má úsáidtear FPCI as dáta ar thíolacadh párolla. Má fhaightear FPCI le creidmheasanna nialasacha agus banda ráta caighdeánach, ní mór don fhostóir Cáin agus MSU a ríomh ag an ráta is airde.

- Má dhéantar tíolacadh párolla a cheartú nó a ath-thíolacadh tar éis é a scríosadh, ní mór é a ríomh ag baint úsáid as an FPCI a bhí bailí ar an dáta pá.

San áireamh in Pá Comhlán, tá aon suim atá faoi dhliteanas Cánach Ioncaim, MSU nó ÁSPC seachas roinnt bheag eisceachtaí.

- Ní mór líon na seachtainí inárachaithe agus na aicmithe ÁSPC a thuairiscítear a bheith ceart. Ní thuairiscítear seachtainí inárachaithe go carnach, níor chóir ach ranníocaíocht amháin a thuairisciú do gach seachtain inárachaithe agus níor chóir iad a ríomh ach don tréimhse shonrach pá sin, is é sin gurab ionann minicíocht pá coicísiúil agus 2 sheachtain inárachaithe. Tabhair do d'aire: Níor chóir réimse íoctha ÁSPC fostaíthe a leasú. Tá treoir maidir le líon na seachtainí inárachaithe a cheartú ar fáil i [SW3](#) i dTreoir d'Fhostóirí Árachas Sóisialach Pá-Choibhneasa (ÁSPC).

Má théann réamhphá thar 2 bhliain as a chéile, ní mór na seachtainí inárachaithe a thuairisciú don bhliain chánach cheart, is é sin an bhliain a thuilltear é. Gearrtar cáin ar an bpá uile sa bhliain a fhaightear é agus ní fhéadtar na creidmheasanna cánach ón mbliain chánach sin a úsáid, fiú má bhaineann an pá le ham a oibríodh sa bhliain chánach ina dhiaidh sin.

4. Dátaí Pá

Ní mór gurb é an [pay date](#) a thuairiscíonn tú ar an tíolacadh párolla an dáta a chuirtear an t-airgead ar fáil do d'fhostaithe. Tá sé seo i gceist is cuma cén uair a thuilltear an t-airgead. Ní mór duit úsáid a bhaint as na creidmheasanna cánach agus na bandaí ráta a bhaineann leis an tréimhse ina ndéantar an íocaíocht.

Má tuairiscíodh íocaíocht a rinneadh in 2023 mícheart le dáta pá 2022, ní mór duit é seo a cheartú láithreach tríd an tíolacadh párolla do dháta pá 2022 a leasú agus tíolacadh párolla don íocaíocht sin a thíolacadh faoin dáta ceart in 2023.

Ar an gcaoi chéanna má tuairiscíodh go mícheart íocaíocht a rinneadh in 2022 le dáta íocaíochta in 2023, ní mór duit é seo a cheartú láithreach tríd an íocaíocht a chur san áireamh i dtíolacthaí 2022 agus an tíolacadh párolla don íocaíocht sin a leasú in 2023.

Tabhair do d'aire: Nuair atá cistí le bheith ar fáil do chuntas bainc d'fhostaí ar dháta pá atá ina lá saoire bainc, féadtar iad a íoc ar an lá baincéireachta roimhe sin agus ní mór don fhostóir an lá saoire bainc a thuairisciú mar dháta pá.

5. Seachtain Lamháltais 53

Má ritheann tú párolla seachtainiúil, coicísiúil nó 4 seachtaine agus má thiteann do ghnáthdháta pá ar an 31 Nollaig (i mbliain bhisigh ar an 30 nó an 31 Nollaig) d'fhéadfadh tréimhse pá breise a bheith agat tar éis seachtain 52.

Cuimsíonn an téarma 'Seachtain53' na tréimhsí pá seo a leanas:

- Seachtain 53-íochta gach seachtain (tarlaíonn sé gach 5 nó 6 bliana le 53 lá pá)
- Seachtain 54 – íochta gach coicís (tarlaíonn sé gach 11 nó 12 bhliain le 53 lá pá)
- Seachtain 56- íochta gach 4 sheachtain (tarlaíonn sé gach 22 nó 23 bliana le 14 lá pá)

Sa chás go bhfuil tréimhse pá breise agat sa bhliain agus go bhfuil liúntais bhliantúla chaighdeánacha an fhostaí ídithe agat, ligeann na Coimisinéirí Ioncaim duit creidmheasanna cánach agus banda ráta (lena n-áirítear bandaí ráta MSU) a úsáid i leith an fhostaí ar bhonn sheachtain 1. Déantar é seo chun a chinntiú nach dtagann laghdú ar bith ar ghlanphá an fhostaí sa tréimhse. Tugtar 'Seachtain 53;' ar an lamháltas seo agus is le haghaidh oibriú réidh laethúil an chórais ÍMAT amháin atá sé agus ní bhronnann sé teidlíocht reachtúil ar an bhfostaí. Ní tharlaíonn sé ach amháin nuair a íoctar an fostaí ar 31 Nollaig nó i mbliain bhisigh 30 nó 31 Nollaig.

Pointí lamháltais 'Seachtain 53' ar chóir a thabhairt do d'aire:

- Ní bhaineann lamháltas 'Seachtain 53' le fostaithe a íoctar roimh ré um Nollaig.

- Má chuireann tú lamháltas 'Seachtain 53' i bhfeidhm go mícheart, féadfaidh sé go mbeidh gearrfocaíocht cánach ioncaim/MSU mar thoradh air.
- Sa chás go dtosaíonn fostaí i lár na bliana agus go n-íoctar iad ar an 31 Nollaig, níor chóir don fhostóir lamháltas 'Seachtain 53' a chur i bhfeidhm. Déileálfar leis seo trí phróiseas deireadh bliana ÍMAT agus má tá faoiseamh dlite, deonófar é.
- Má athraíonn tú lá pá i rith na bliana, nó sa bhliain roimhe sin, chun lá pá 'Seachtain 53' a chruthú, níl aon lamháltas 'Seachtain 53' dlite. Baineann sé seo freisin nuair a dhéantar íocaíocht, lena n-áirítear íocaíocht bharúlach, le fostaí ar 31 Nollaig (nó an 30/31 Nollaig i mbliain bhisigh) agus ní gnáthlá pá na bhfostaithe é.
- Má thiteann an gnáthdháta pá ar an 1 Eanáir 2023, ar Domhnach é, féadfaidh tú na cistí a chur ar fáil an 31 Nollaig 2022 ach ní mór duit an dáta pá a thuairisciú mar an 1 Eanáir 2023 agus creidmheasanna / bandaí rátaí 2023 a úsáid. Ní íocaíocht sheachtain 53 é seo.

6 Fostaíochtaí a thosú

Faoi na Rialacháin Cánach Ioncaim (Fostaíochtaí), 2018, is ortsa atá an fhreagracht fostaíocht nua a thosú leis na Coimisinéirí Ioncaim. Is é an t-aon eisceacht air seo ná an chéad phost riamh ag fostaí. Ba chóir iarraidh ar fhostaí atá ag glacadh le fostaíocht a n-Uimhir Seirbhíse Poiblí Pearsanta (UPSP) a chur ar fáil. Ní mór duit an UPSP a úsáid chun tosú fostaíochta a thuairisciú agus FPCI a iarraidh roimh an gcéad íocaíocht párolla trí do bhogearraí párolla nó Seirbhís Párolla an Fhostóra ón leathanach baile ROS.

Níl an fostaí freagrach as teagmháil a dhéanamh leis na Coimisinéirí Ioncaim maidir le fostaíocht a thosú agus níor chóir duit an t-ábhar seo a fhágáil ag an bhfostaí chun déileáil leis. Tá an áis atá taobh istigh de Poist agus Pinsin in moChúrsaí teoranta d'fhostaithe atá ag dul i mbun a gcéad phost riamh.

7. An Chéad Phost

Nuair a thosaíonn fostaí ag obair in Éirinn den chéad uair, ní mór dóibh clárú leis na Coimisinéirí Ioncaim chomh luath agus is féidir. Iarrtar é seo chun a chinntiú go bhfuil an cháin cheart á híoc acu agus nach n-íocfaidh siad cáin éigeandála. Ní mór é seo a dhéanamh fiú le haghaidh post páirt-aimseartha nó post sealadach.

Chun é seo a dhéanamh, ní mór don fhostaí céaduaire clárú le haghaidh moChúrsaí agus an fhostaíocht a chlárú tríd an nasc 'Uasdátaigh Post nó Pinsean' in 'Seirbhísí ÍMAT' in moChúrsaí. Gineann na Coimisinéirí Ioncam Deimhniú Creidmheasanna Cánach agus cuirfear FPCI ar fáil duit.

8. Sochar Breoiteachta/Sochar Máithreachais

I gcás ina sainordáítear Sochar Breoiteachta/Sochar Máithreachais duit, níl méid na híocaíochta san áireamh i bPá le haghaidh Cáin Ioncaim, Pá le haghaidh MSU nó Pá le haghaidh ÁSPC mar go mbeidh fógra tugtha ag RCS do na Coimisinéirí Ioncaim faoin íocaíocht agus déanfar creidmheasanna cánach an duine aonair a choigeartú sa FPCI is déanaí. Má tá tú ag cur leis na híocaíochta Sochair Breoiteachta/Sochair Máithreachais, caitear leis an méid breise seo mar phá ar an ngnáthbhealach agus ba chóir é a áireamh i ngach réimse agus cáin a ghearradh air dá réir. Nuair nach sainordáítear Sochar Breoiteachta/Sochar Máithreachais duit, **níor chóir** méid na híocaíochta a chur san áireamh ar an tíolacadh párolla. Má

cuireadh an Sochar Breoiteachta/Sochar Máithreachais san áireamh trí dhearmad, ní mór gach duillín pá lena mbaineann a cheartú chun an Sochar Breoiteachta/Sochar Máithreachais a bhaint.

Ní mór Sochar Breoiteachta/Sochar Máithreachais a sainordáíodh duit a bhaineann le héileamh Sochair Breoiteachta/Sochair Mháithreachais 2022 nár íocadh le fostóir go dtí 2023 a áireamh i bpárolla 2022. Ní mór aon duillíní pá 2023 lena n-áirítear Sochar Breoiteachta/Sochar Máithreachais a bhaineann le 2022 in aon réimse pá a cheartú chun an Sochar Breoiteachta/Sochar Máithreachais a bhaint.

Maidir le ceartúcháin sa bhliain reatha, cinnteoidh an bonn carnach go mbaintear an méid ceart cánach as tuarastal an fostaí. Má tá ceartúcháin as bliain, moltar don fostaí tuairisceán cánach ioncaim a thíolacadh chun an cháin ró-íoctha a chúiteamh.

9. Rátaí ÁSPC Aicme A/Na Seachtainí Inárachaithe

Tháinig athrú ar thairseach ráta fostóra Aicme A de €441.

Gearrfar an ráta fostóra Aicme A 8.8% ar thuilleamh seachtainiúil suas le €441. Sa chás go sáraíonn tuilleamh seachtainiúil €441 beidh ráta fostóra Aicme A de 11.05% i bhfeidhm.

Ón 1 Deireadh Fómhair 2024, tiocfaidh méadú 0.1% ar gach ráta ranníocaíochta ÁSPC.

Ba chóir líon na seachtainí a d'oibrigh fostaí agus ar íocadh iad, lena n-áirítear pá i leith laethanta saoire, a thaifeadadh faoi Sheachtainí Inárachais. Níor chóir ach ranníocaíocht amháin a thaifeadadh do gach seachtain inárachaithe ar oibrigh an fostaí ina leith agus ar íocadh é. Le haghaidh tuilleadh eolais [cliceáil anseo](#).

Céard atá ag tarlú maidir le ÁSPC ón 1 Eanáir 2024?

Ón 1 Eanáir 2024, beidh duine in ann a bPinsean Stáit (Ranníocach) (SPC) a tharraingt anuas ag aois ar bith idir 66 agus 70 bliain d'aois. Tabharfaidh sé seo deis do dhuine leanúint ar aghaidh ag obair agus ÁSPC a íoc a d'fhéadfadh feabhas a chur ar a dtáifead ranníocaíochta nuair a chinneann siad a SPC a tharraingt anuas. Mar thoradh air seo, tá an uasteorainn aoise don díolúine ÁSPC á hathrú trí reachtaíocht ó 66 bliana go 70 bliain le héifeacht ón 1 Eanáir 2024. Beidh feidhm aige seo chun an fostaí, an fostóir agus an dliteanas ÁSPC féinhostaithe a chur san áireamh. Chun tuilleadh eolais a fháil maidir le tionchar athruithe aicme ÁSPC tar éis 66 bliana d'aois, [cliceáil anseo](#).

10. Deimhnithe Digiteacha ROS

Tá sé lárnach do do chuid dualgas a chomhlíonadh mar fhostóir go mbeidh teacht agat ar ROS.

Ba chóir duit athbhreithniú a dhéanamh ar do dheimhnithe digiteacha ROS le cinntiú nach dtéann siad in éag. Ba chóir do Riarthóirí ROS logáil isteach ar ROS go rialta agus, má fhaightear meabhrúchán chun athnuachan a dhéanamh, ba chóir leanúint ar aghaidh leis an athnuachan a dhéanamh. Má théann an deimhniú Riarthóra ROS in éag, cuirfear gach uile fho-úsáideoir ar fionraí go dtí go

bhfaightear deimhniú nua, agus d'fhéadfadh sé go mbeidh suas le 5 lá oibre i gceist leis seo. Níl ann ach an t-aon deimhniú amháin do Riarthóirí ROS. Le seiceáil gur tusa an Riarthóir ROS, téigh chuig an gcluaisín Próifíl in ROS – ní fhéadann ach an Riarthóir ROS sonraí teagmhála a thabhairt cothrom le dáta ansin.

Tá eolas maidir le deimhnithe ROS ar fáil ar ár suíomh idirlín – féach [Seirbhís ar Líne / Cabhair ROS](#)

11. Naisc Gníomhaire

Maidir le tíolacthaí párolla a rinneadh agus ráitis mhíosúla a gineadh roimh an dáta a thagann an nasc gníomhaire i bhfeidhm, ní bheidh siad ar fáil do Gníomhairí nua. Más gá do Gníomhaire féachaint ar thréimhsí roimh dháta an naisc Gníomhaire nó iad a thabhairt cothrom le dáta, ba cheart dóibh a chinntiú go dtaispeánann an litir nasc um gníomhaire nuashonraithe an dáta éifeachtach iarrtha agus go síneoidh an cáiníocóir é. Is féidir leis an ngníomhaire teagmháil a dhéanamh ansin leis na Coimisinéirí Ioncaim M'Fhiosruithe ag iarraidh an nasc gníomhaire a shiardhátú go dtí an dáta cuí. Ba chóir an t-iarratas a sheoladh chuig suíomh M'Fhiosruithe: Baineann m'Fhiosrú le "Clárúchán Cánach/Cealú" agus níos sainiúla "Clárú Gníomhaire".

12. Sochar Comhchineáil (SC) d'Feithiclí Leictreacha

Tá díolúintí áirithe ó Sochar Chomhchineáil ar fáil nuair is feithiclí leictreach é an carr a chuireann tú ar fáil. Tá tuilleadh eolais maidir le [díolúintí](#) ar fáil ar www.revenue.ie

13. Riachtanais Tuairiscithe Feabhsaithe

Ón 1 Eanáir 2024, iarrfar ar fhostóirí a íocann aon cheann de na costais/sochair thíos lena bhfostaithe na sochair sin a thuairisciú do na Coimisinéirí Ioncaim. Ní mór duit an tíolacadh seo a dhéanamh ar nó roimh an dáta íocaíochta, leis an bhfostaí.

- Taisteal agus Cothú
- Díolúine i leith Sochar Beag
- Líuntas Cianoibre Laethúil

Cuirfidh [Seirbhís ar Líne na gCoimisinéirí Ioncaim \(ROS\)](#) bealach ar fáil chun sonraí Riachtanais Tuairiscithe Feabhsaithe (ERR) a thíolacadh de láimh. Beidh an áis seo cosúil leis an gceann a úsáidtear faoi láthair le haghaidh tuairisciú párolla.

Chuaigh na Coimisinéirí Ioncaim i dteagmháil le soláthraithe bogearraí 3ú páirtí le linn 2023 chun an tseirbhís seo a fhorbairt. Ba chóir d'fhostóirí teagmháil a dhéanamh lena soláthraithe bogearraí lena chinntiú go gcomhtháthóidh a gcórais le córais na gCoimisinéirí Ioncaim.

Tá taifead den [seimineáir idirlín](#) agus cóip den [chur i láthair](#) ina dtugtar forbhreathnú ar Thuairisciú Feabhsaithe ar fáil ar shuíomh idirlín na gCoimisinéirí Ioncaim. Chun tuilleadh eolais a fháil, féach www.revenue.ie/err

14. Creidmheasanna Fíor-Ama

Tá áis chreidmheasanna fíor-ama ar fáil d'fhostaithe agus do phinsinéirí ó 2021. Is féidir le fostaithe/pinsinéirí éileamh a dhéanamh ar chaiteachas a thabhaítear ar chostais Sláinte, ar chostais Tí Altranais agus ar chostais Chianoibre. Ba chóir duit a thabhairt faoi deara go bhféadfadh athruithe rialta ar chreidmheasanna cánach fostaithe agus/nó bandaí ráta a bheith mar thoradh air seo. Ba chóir duit an FCPI is nua-aimseartha a iarraidh i gcónaí díreach sula rithfidh tú párolla. Tá tuilleadh eolais maidir le [Creidmheasanna Fíor-Ama](#) ar fáil ar www.revenue.ie

15. Faoiseamh Cianoibre

Féadtar íocaíocht suas le €3.20 in aghaidh an lae oibre a dhéanamh le [Fostaí Cianoibre](#) gan ÍMAT, MSU agus ÁSPC a asbhaint, faoi réir rialacha agus coinníollacha áirithe. Tá an íocaíocht seo ceaptha chun costais leathanbhanda, téimh agus leictreachais d'fhostaí a chlúdach. Caithfidh cáin a bheith asbhainte ag aon mhéid a íoctar níos airde ná €3.20 in aghaidh an lae oibre agus ba cheart é a chur san áireamh ar na tíolacthaí párolla. Ní mór duit taifid ar na híocaíochtaí saor ó cháin a dhéantar a choinneáil.

Mura ndéanann tú an íocaíocht seo le d'fhostaithe nó mura bhfuil na costais fóntais agus leathanbhanda a íocann siad clúdaithe go hiomlán, is féidir leo éileamh a dhéanamh ar [Chostais Cianoibre](#). Déantar an faoiseamh a chionroinnt bunaithe ar líon na laethanta a d'oibrigh siad sa bhaile i ndáiríre agus céatadán den bhille téimh/leictreachais agus leathanbhanda a d'íoc siad. Féadann fostaithe éileamh a dhéanamh ar chostais Cianoibre do 2020 agus 2021 trí Thuairisceán Cánach Ioncaim a chomhlánú agus a chur isteach. Ó 2022, féadann fostaithe éileamh Creidmheasa Fíor-Ama a dhéanamh sa bhliain trí Rianaire Admhálacha nó Seirbhís Ar Líne ÍMAT ar moChúrsaí. D'fhéadfadh nuashonruithe níos minice a bheith mar thoradh air seo ar FCPI.

I gcás ina ndéanann tú ranníocaíocht saor ó cháin suas le €3.20 in aghaidh an lae le fostaithe atá ag obair as baile costais, ní mór don fhostaí an méid seo a asbhaint ó aon mhéid a éilítear ar a dThuairisceán Cánach Ioncaim.

16. Achoimre Sonraí Fostaíochta d'Fhostaithe

Beidh sonraí i leith ioncam, asbhaintí reachtúla, le haghaidh gach fostaíochta do 2023 ar fáil chun féachaint orthu, iad a íoslódáil agus a phriontáil ina "Achoimre Sonraí Fostaíochta" 2023 i 'Seirbhísí ÍMAT' ar moChúrsaí. Beidh sé seo ar fáil ó Eanáir 2024 agus féadtar é a úsáid mar chruthúnas ar ioncam de réir mar a iarrann tríú páirtí. Tá tuilleadh eolais maidir le [Achoimre Sonraí Fostaíochta](#) ar fáil ar www.revenue.ie

17. Réamhráiteas Deireadh Bliana

Beidh *Réamhráiteas Deireadh Bliana le haghaidh 2023* ar fáil d'fhostaithe go luath i mí Eanáir 2024. Beidh an réamh-ríomh seo ar staid cánach an fhostaí bunaithe ar na hasbhaintí pá agus cánach tuairiscithe agat agus ioncam eile a thuairiscítear do na Coimisinéirí Ioncaim. Le haghaidh tuilleadh eolais, féach: www.revenue.ie

18. Tuairisceán Cánach Ioncaim

Chun creidmheasanna, faoisimh nó costais bhreise a éileamh, amhail costais Sláinte agus Cianoibre

nó chun ioncaim bhreise a dhearbhu, ní mór d'fhostaithe Tuairisceán Cánach Ioncaim a chomhlánú. Tabharfaidh sé seo deis do fhostaí a dheimhniú go bhfuil an tsuim cheart chánach íoctha acu, aisíocaíocht chánach nó MSU ró-íoctha a éileamh nó aon dhliteanas chánach nó MSU gearríoctha a dheimhniú. Is féidir leis an bhfostaí a sonraí admhála a uaslódáil trí Rianaire Admhálacha i moChúrsaí. I gcás nár uaslódáladh admhálacha ní mór na hadmhálacha seo a choinneáil ar feadh 6 bliana.

Beidh an Tuairisceán Cánach Ioncaim ar fáil le cur i gcrích ó 01/01/2024 agus is féidir é a fháil ag '*Déan athbhreithniú ar do cháin 2020 - 2023*' agus '*Tuairisceán Cánach Ioncaim*' i moChúrsaí. Nuair a bheidh sé críochnaithe, gheobhaidh an fostaí Ráiteas Dliteanais ina ndeimhneofar a staid chánach agus aon socrúithe chun aisíocaíocht a dhéanamh, nó roghanna i leith cáin nó MSU gearríoctha a bhailiú.

19 Díolúine i leith Sochar Beag

Tá an luach iomlán de shochair nó dearbháin saor ó cháin gur féidir leat a thabhairt do fhostaí ardaithe ó €500 go €1,000 sa mbliain. Tá líon na ndearbhán cáilitheach nó dreasachtaí tar éis ardú ó cheann amháin go dhá cheann sa mbliain. Baineann an t-athrú seo le 2022 agus blianta ina dhiaidh. Tá tuilleadh eolais maidir le [Díolúine i leith Sochar Beag](#) ar fáil ar www.revenue.ie

20. An Líne Chabhrach Náisiúnta d'Fhostóirí

Cuireann **an Líne Chabhrach Náisiúnta d'Fhostóirí** eolas agus tacaíocht ar fáil d'fhostóirí. Seo a leanas na sonraí teagmhála: M'Fhiosruithe: Roghnaigh '*ÍMAT Fostóra*' in '*Baineann m'Fhiosrú le*'.

21. Cabhair bhreise

Tá tuilleadh eolais ar fáil ach na naisc thíos a úsáid ar www.revenue.ie

- Is féidireolas d'fhostóirí lena n-áirítear treoir ar [daoine a fhostú](#) a fháil ag www.revenue.ie/ga/employing-people/index.aspx
- ROS a úsáid - féach [Seirbhísí ar Líne / Cabhair ROS](#) nó ag www.revenue.ie/ga/online-services/support/help-guides/ros/guide-to-ros.aspx